



## Universitätsbibliothek Paderborn

**Sancti Bonaventvræ Episcopi Cardinalis Albanensis,  
Seraph. Doctoris Ecclesiæ, Speculum Disciplinæ, Et  
Profectus Religiosorum: Libelli ad pietatem vtilissimi**

**Bernardus <de Bessa>  
Bonaventura <Heiliger>**

**Antverpiæ, 1591**

De triplici superbia. Cap. IX.

[urn:nbn:de:hbz:466:1-53148](#)

*De triplici superbia.*

## C A P. IX.

**E**ST autem triplex superbia. Prima, sibi-  
metipsi nimis placere, & maiorem reputare se quam sit in veritate. & hoc est initium  
omnis peccati. Secunda est, appetere & stude-  
re aliis placere, & maior velle ab eis credi  
quam sit iustum. hæc est inanis gloria. Tertia  
est, ambire alios præire, & sub se velle eos esse.  
Sic decepta est superbia, & vult alios secum  
decipi, dum cupit se maiorem putari quam sit;  
sicut magus decipit garnisonem, ut putet se in  
equo sedere, & sedet tanquam stultus super fa-  
sciculum paleæ. In hoc autem contrariatur  
Deo: quia cum omnia subiecta sunt ei, ipsa  
vult esse sui iuris, & spoliat eum debito honore  
suo, id est, vniuersali dominio quantum est in  
se: & ingrata est ei de beneficiis quæ accepit,  
de quibus propriam gloriam querit non Dei,  
à quo habetur omne bonum. Deramis autem  
superbiæ, qui de ipsa pullulant, prætereo, quia  
alibi frequentius reperiuntur, si quis querat,  
præcipue in summa vitiorum. Periculosior  
autem sœpe illa est, quæ extollitur de bonis gra-  
tiæ, quam de bonis naturæ vel fortunæ. Bona Bona gra-  
gratiæ sunt virtutes, scientia, & opera de gene-  
re bonorum, ut prædicare, ieiunare. Bona na-  
turæ sunt, quæ natura contulit: ut nobilitas,  
pulchritudo, fortitudo, ingenium: Bona fortu-  
næ sunt, dignitates, diuitiæ, honores, &c. quæ  
ex quadam fortuna plus quandoque dantur  
illis, qui natura & virtutibus inferiores sunt  
aliis, ramen non sine aliqua Dei prouidentia,  
dicit sœpe cedit eis ad malum ex merito suo.  
Superbia etiam ita excœcat mentem, ut cum  
plus habetur, sœpe minus agnoscatur. Hoc vi-

Superbia  
præpedit  
bona ma-  
giora.

*Secub. 4.6*

Gloria  
vmbra.

tium præcipue impedit nos, ne maiora bona à Deo accipiamus (cùm ipse sit largissimus & desiderat multum communicare nobis de bonis suis, quia valde diligit nos) dum aut indigens nos reddit superbię reatus, gratia Dei: aut si plus daret nobis, extolleremur, aut ingratificeremur, aut non dignè in gratia operamur, & sic grauioris peccati rei efficeremur. Vnde saepè magis est clementię parcentis Domini, negare ampliora gratiæ dona quām irascientis. Deus superbis resistit, quasi suę potentia rebelliis, humiliis autem dat gratiam, à quibus per tumorem elationis non defluit gratia, quam eis infundit. Superbia etiam perdit in nobis mérita bonorum operum, quę pro humano favore fecimus. Et saepè superbia sumit pallium humilitatis & mulcet suę, ut sub nomine eius gloriam callidè acquirat: ut quia captatio gloriæ non habet gloriam, sicut fugiendo eam assequatur, quæ sicut vmbra sequitur fugientem & fugit in sequentem.

*Quando bona nostra & mala ostendere debemus vel occultare.*

### CAP. X.

**N**O TA, quod bona debemus quandoque hominibus ostendere, & aliquando occultare: similiter mala nostra aliquando aperte, aliquando celare. Bona nostra ad quæ tenemur ex præcepto Dei vel Ecclesiæ, vel ad quæ ex manifesto voto astringimur, debemus omnibus ostendere, ut fidem, charitatem, iustitiam, veritatem, castitatem, obedientiam, & contemptum mundanorum. Quæ si homines in nobis non viderent, cùm sciant nos ad eam, scandalizarentur & reputarent nos prævaricantes.